


小兒月內種痘神方



重印小兒月內種痘神方敘

姻丈俞筱雲廣文自於潛學參歸遺余以小兒月內種

痘一書余與同邑楊省齋大令魯曾胡采章上舍炳藻

互相攷論二君皆先余而知六科者亦以為遵茲書以

種痘一切稀痘牛痘之說概可不作洵慈幼保赤之寶

笈惜未有舉子者客我試種也越七年上舍舉次子依

法種之果勝他痘於是親舊中之得子者踵門索方紛



玉皆來余恐其展轉傳鈔未免有魯魚豕亥之謬議
將此書翻為石印妹倩洪念祖司馬紹修聞之欣然
募捐印資蓋其去年所產之女子亦鈔方以種曾獲
其簡便之益者也余因是得以廣布其書云時光緒二
十五年仲夏慈谿何其枚撰定海厲玉夔書



小兒月內種痘神方

金銀花一錢

紅花一錢

桃仁一錢

荊芥穗一錢

生地二錢

當歸二錢

生甘草五分

赤芍二錢

右藥用河水兩茶盃煎一酒盃用本小孩臍帶約二三寸瓦上焙乾忌用煤火研末調入藥內令小兒分數次服完頭日服藥次日出痘三日收功不灌漿亦不結甲此方須於十八日內用之過十八日則不驗



附歌訣

小兒種痘得秘傳

十日之後莫遲延

過十八

日則不驗

未過十日兒力繇

金銀花

與荊芥

穗

紅花桃仁各一錢

生地當歸共赤芍

各

用二錢莫加添

加以五分生甘草

兩茶盃水

同相煎

煎成一小酒盃滿

切勿近於煤火邊

藥引即用兒臍帶

約二三寸瓦焙乾

研末

調入藥內服

與兒數次分服全

頭日服藥次



日出 三日收功自安然 不灌漿亦不結蓋

遍體色見紅活鮮 喂乳之人不忌嘴

熱如常眠 醫不須延神不供 不忌生

言 小兒毒輕祇出痘 毒重痘後疹相連

方屢試亦屢驗 特為傳播歌一篇

案胡君采章說吾邑向例小兒墮地即服黃連

甘草燉乳水以為清火之計如遵是書以種痘

宜停服黃連甘草三五日過三日照服亦可



又案吾友孫君澗香傳述云小兒種痘之年須
觀除夕與元夜天氣如何如除夕與元夜天氣
清朗無論本痘牛痘斷無壞症否則多在僻處
之列若遵是方以種則此說可以不拘

又案孫君澗香傳述云小兒墮地時能囑穩婆
用淨白花衣乾揩其身俟滿月後再行湯洗可
永免百病

附原書誌跋

此方乃同年胡君現任南路廳司馬少泉五兄所授
少泉過余寓偶論及種痘因出是方亟稱其神妙擬
即付梓廣為施送余詢其詳據云今年二月添一孫
甫屆十二朝適獲是方即如法服之明日其痘對對
發出頭面手足皆遍形色紅活與正痘無異踰日而
退旋又發出疹子亦甚透足時司獄蔣君有姻戚舉
子已十六朝急乞是方與服出痘亦如前狀既經屢
驗故不敢自秘欲廣其傳余允為代刊施送遂留其



方按方中藥味均極平淡不過清疏活血之品所
奏效如是之捷者良由甫生嬰孩血氣渾融腠理通
達引以本身臍帶火焙之力逗動命陽故能將胎毒
發出理殊可信因思前數年京師盛行粵東牛痘之
法好善之家設局佈種保嬰甚多此方經驗更極簡
易遠勝牛痘多多矣少泉為政勤職愛民即此仁惠
之念可見一斑余故樂為刊傳并誌其由以著徵信
云紫陽山人跋

光緒歲在辛巳余行年五十有七矣於三月十三日始得一子蒙沙市鄧春田廉訪出是編相授謂其所生數公子均照方與服莫不平妥神效因於十二朝後依方製服信如其言誠保赤良方也愚園誌

是方效驗已詳於右原跋有藥味平淡不過清疏活血之常品余謂製方之法君臣佐使各得其宜平淡中寓神奇焉按金銀花散熱解毒治諸惡瘡凡痘瘡倒陷不起用忍冬根長流水煎浴以痘光壯為效紅

花活血解毒桃仁苦泄滯血甘生新血生地近
肆中皆乾地黃生地功專散血乾地黃涼血滋陰赤
芍行血中之滯荊芥穗去瘀血消瘡毒生甘草瀉火
解毒當歸破惡血養新血和營血又以本身小兒臍
帶為引其奏效之速有確然無疑者惟生地黃與乾
地黃從治稍別然痘屬陰陰從陽化故滋陰亦宜況
小兒純陽之體陰氣本不足耶其法至簡其藥易購
余信其理因信其效胎毒重者必輕輕者必化於無

有矣願天下幼幼者共寶之 泉唐第花氏誌

今年余館海上慈谿洪念祖司馬以是方屬書
將付諸石印以廣其傳是時余得第四女生十
日矣急寄書抵家令如法試種越數日書來云

收效一如方後所言者誠神方也司馬之福幼
為良多已光緒己亥仲夏二十日陳康黼識

茲書舊印五千本已為數分罄然遇問者猶接踵而求
今復捐貲重印更贅數言附列於后



北京中医药大学图书馆藏

一小孩臍帶墜於墮地之日先引以法煎下焙乾為一

時忘記甯可勿種切勿取已經灰燬者再為藥引

一種痘之法固莫善於節儉為父母者於此法既種以後

猶憐之焉不安於懷或議再種幸痘或議再種牛痘

任憑其便然種之亦未始不出而母所出之痘終較稀於

月內之不種者蓋痘類其稀遵茲書以種痘之書有

不稀茲書之所以可傳也得書者其實諸

康子甲子慈谿洪紹修念祖甫謹識

